

**LITURGI
PERINGETEN TUHAN JESUS
NANGKIH KU SURGA**

**TEMA
"ANAK MANUSIA MULIHKEN NANGKIH KU SURGA"**

KAMIS, 14 MEI 2026



**GEREJA BATAK KARO PROTESTAN (GBKP)
RUNGGUN BATANG SERANGAN MEDAN**

**JL. SEI BATANG SERANGAN NO. 2/97
TELP. KTR : (061) 452 7098 – RMH PENDETA : (061) 415 8454 –
HP : 082311920411**

M E D A N

A. PERSIKAPEN

Perpulangan nikapken pusuh ras ukur guna ngadap man Tuhan
Pelayan ibadah ersikap i ruang persikapen

..... (*Musik*)

B. **KEBAKTIN**

1. **Kata Penaruh**

Mejuah-juah man banta kerina, perpulangan si ni kelengi Tuhannta Yesus Kristus. Sendah enda kita pulung guna ngerayaken Kenangkihen Tuhan Yesus ku Surga. Kenangkihen Tuhanta ku Surga ncidahken man banta, uga belinna Kuasa Dibata i bas Kristus Yesus. IA nggo mate, tapi keke i bas wari si peteluken, jenari nangkih me IA ku Surga. Kenangkihen Yesus e jadi jaminen man banta, maka kita si tek man Yesus lanai ikuasi kematen, janah i bas paksana pepagi, bengket me kita ku Surga, eme ingan si enggo isikapken Dibata genduari nari man banta.

Genduari, idilo Dibata kita guna tetap nggeluh ngusih kegeluhen si enggo ilakokenNa i doni enda. Dahin enda me si njagai geluhta gelah tetap ersada ras geluh ni Kristus. Gia kita mentasi kiniseran ras kematen, lanai bo e jadi kebiaren, tapi jadi dalam kinisersadan ras Dibata. Dage arah perayaan enda, ate Dibata mpetetap ukurta ngaloken keselamatan si enggo isikapkenNa man banta.

- Erkata Lonceng (*Perp. Tedis*)
- Rende : (*Serayan Kebaktin Bengket ku Mimbar*)

KEE No. 127 : 1, 2, 3 “Yesus Tuhanta Nangkih Ku Surga”

1. Yesus Tuhanta, Nangkih ku surge.

Kam o, Yesus Raja kami, Kam man ikutenken kami.

Tegu kami pe, Lah ku surga e.

2. Tegu kami min, lah terkelin kin.

Kam min si mulahi kami, Ibas musuh kami nari,

Si ni doni e, tegu kami pe.

3. B're min kesahNdu, lias ateNdu.

Bengket kubar ukur kami, Ia si ngkelini kami.

Bengket surga e, kesenangan e.

2. **Votum - Salam**

L Kebaktin enda lit i bas gelar Dibata Bapa si nepa langit ras doni, i bas AnakNa Yesus Kristus si enggo nangkih ku Surga, ras i bas gelar Kesah Si Badia si nemani geluh manusia.

Perkuah ate ras dame i bas Dibata Bapa, ras i bas Tuhan Jesus Kristus nari, i bas kerembaken Kesah Si Badia ras kita kerina gelah. Amin.

P Amin Amin Amin (*iendeken*)

3. **Berita Kerna Perbahanen Ras Sura-sura Dibata (Invocatio)**

L “Ise pe labo pernah ku Surga, selain Anak Manusia si nusur i Surga nari” (Johanes 3 : 13).

Erpalasken kata Dibata enda, sipuji IA alu radu ras ngendeken :

KEE No. 365 : 1, 2 “Kudahi Kam Tuhan Dibatanku”

1. Kudahi Kam Tuhan Dibatanku, ku penangkih to toku man baNdu.

Ku kataken bujur ermengkah ukurku, ibas ngaloken perkuah ateNdu.

Refrein : ‘Nggo tangkas peratenNdu bas geluhku,

Bujur o Bapa ‘nggo malem ateku

2. Ku puji Kam Tuhan Dibatanku, Alu rende ku puji GelarNdu

Riahna ukurku ibahanNdu Tuhan, ‘bas ngaloken keleng ateNdu Tuhan

Reff ...

4. **Pujin Kerna Kiniulin Pendahin Tuhan Jesus** (*Perp. Kundul*)

L Dibata enggo ncidahkan kiniulin pendahin alu naluken kuasa kematen, jenari nangkih ku Surga. IA enggo mereken jaminen keselamatan man manusia si tek man baNa. Janah genduari, mulih IA ku Surga guna nikapken ingan man kalak si tek man baNa.

P Terpujilah Tuhan i bas kerina perbahanenNa.

L Sipuji Tuhan i bas keselamatan si enggo isikapkenNa man banta, arah ende-enda :

KEE No. 85 : 1, 3, 4 “I Surga Kesenangen E”

1. I surga kesenangen e, Ku je pengulihenta pe.

Ku je me perlawesku pe, Lah rembak ras Tuhanta e.

3. Ndauh denga maka seh i je, ‘Di rukur aku paksa e.

Tapina Yesus Tuhan nge, Maba aku seh ku ingan e.

4. Mesera ras mesui pe, La jumpa ibas ingan e.

I je la jumpa dosa pe, Nggo tading k’rina si bage.

5. **Kinilangasupen Manusia i Bas Ngaloken Padan Dibata**

L Dibata enggo nuduhkan kiniulin pendahinNa. IsikapkenNa pe Surga jadi inganta ersada ras IA rasa lalap. Enda me si jadi jaminen keselamatan man banta. Tetap nge ndia ukurta ngaloken jaminen si enggo isikapken Dibata man banta ?

(Paksa Teneng)

- L Genduari, idilo Dibata kita guna tetap nggeluh ngusih kegeluhen si enggo ilakokenNa i doni enda. Dahin enda me si njagai geluhta gelah tetap ersada ras geluh ni Kristus.

(Paksa Teneng)

- L Marilah siakuken dosa ras kearun ateta man Dibata arah ende-endenta:

KEE No. 393: 1, 2, 3 “Surga Nari Aku ItatapNdu”

1. Surga nari aku itatapNdu, sanga lalar aku ras ngelabuh.
Seh ku pusuh tangkas idahNdu, ndauh ke pe papak perdalanku.
2. Kubegi ilebuhNdu gelarku, la ‘ku ngasup natap sinalsalndu.
Ban mbelin me dosa-dosangu, la metungging g’lari anakNdu.
3. Terbegi Kam reh ndeheri aku, tanNdu si melias negu aku.
‘Nggo ialemiNdu dosangu, malem kal ateku bahanNdu.

6. Berita Si Mpetetap Ukur Manusia Si Erpengarapen Man Dibata

(Perp. Tedis)

- L Aminna pe Jesus enggo nangkih ku Surga, labo kita itadingkenNa, sabab IA erpadan nikapken ingan man kalak si tek man baNa. Nina Tuhan :

“I bas rumah BapangKu mbas ingan; janah lawes me Aku nikapken ingan man bandu. Tuhu kap enda; adi lang labo Kukataken bage man bandu. Labo kam Kutadingken melumang. Reh nge Aku mulihken ndahi kam” (Johanes 14 : 2, 18).

Sipuji Tuhan simpetetap ukurta arah enden-enden :

KEE No. 75 : 1, 2 “Tetapanlah Ukurta”

1. Tetapkanlah ukurta ngikutken Yesus e.
Si gelemlah pedahNa, Tutus ateta pe.
Piher tendinta pe, Ban Ia penalemen.
Kesusahen i doni, Talu i banNa pe.
2. Pertibi enda masap, Isina k’rina pe.
Nggo ndeher kedungenna, Paksana seh me pe.
Tujunta k’rina min, Ku surga rumah Bapa.
I je me ingan senang, Ras Tuhan lalap je.

7. Nehken Kata Dibata

(Perp. Kundul)

a. Marilah sibegiken Kata Dibata si man ogenken ibas Kebaktin enda sini ibuat ibas **Masmur 2 : 4 - 9**. Si oge alu responsorial ...

L I bas kursi kinirajanNa i Surga nari tawa TUHAN iuru-uruNa sura-sura si sea-sea.

P IpersingetiNa kalak e alu pernembehNa, dengen ipebiarNa ia alu rawaNa si gara.

L Nina TUHAN, “I Sion, delengKu si badia, enggo Kutangkuhen rajangKu.”

P Nina raja e, “Kumomoken me kai si iperentahkan TUHAN.

Nina TUHAN man bangku, ‘Kam kap anakKu; sendah Aku kap jadi bapandu.

L Pindolah, maka Kubereken man bandu kerina bangsa-bangsa; kerina doni enda kam empuna.

P Alu ciken besi iperperkenndu ia kerina iripukkenndu seh getem bali ras kudin taneh.’ ”

L Ketuaen kalak si megiken Kata Dibata, dengen si makekenca i bas geluhna si teptep wari, Haleluya.

P Haleluya.... Haleluya.... Haleluya.... (*iendeken*)

b. **Khotbah : Johanes 6 : 60 - 65** (*ibenaken ras idungi alu pertoton*)

8. Pengakun Kiniteken

(Perp. Tedis)

9. Persembahen

(Perp. Kundul)

L Seh paksana kita nehken persembahen pengataken bujurta man Dibata.

Kata Dibata si jadi palas i bas kita nehken persembahen, niNa :

“O senina-seninangku, nginget perkuah ate Dibata si mbelin si isehkenNa man banta, kupindo man bandu: Endeskenlah kulandu man Dibata saja selaku persembahen si nggeluh rikutken si ngena ateNa. Sabap bage me arusna kam ersembah man Dibata sue ras biakndu selaku mahluk si rukur” (Roma 12 : 1).

Iherta ngendesken persembahen, ras kita rende :

KEE No. 315 : 1, 2, 3, 4 “Simpar Tuhu PemereNdu”

1. Simpar tuhu pemereNdu, jujurkenNdu kap man bangku.

Ermengkah kal me ukurku, la ‘ku lupa lias ateNdu.

Refrein : AlokenNdu o Tuhanku, persembahen anakNdu.

Usekenlah pasu-pasu, peteguhi perpulungenNdu.

2. Benih si isuan kami, E pe kap i bas Kam nari
KuasaNdu mahanca turah, KuasaNdu mahanca erbuah *Reff ...*
3. BreNdu kami kepentaren, G'lah nirangken kepapaken
Ajar kami kebujuren, Maka pinter ka perukuren *Reff ...*
4. M'lala denga man sampaten, Nterem denga man apulen
B'reNdu kami kengasupen, 'Lah kami sikeleng-kelengen *Reff ...*

Pertoton Persembahen ras Syafaat

10. Perpadanen Man Dibata

(*Perp. Tedis*)

- L Turang ras senina, Tuhan Jesus nggo ndahiken dahinNa alu mehuli i doni enda. Janah genduari enggo isikapkenNa ingan si mehuli man banta.
- P La aru ateku, lanai aku mbiar, geluhku enggo ijamini Tuhan.
- L Tuhan enggo nehken padanNa, maka IA tetap nemani kam seh kedungen jaman.
- P Kupuji dingen kupebadiaken me Tuhan. Kuendesken diringku, ngikutken dalam si enggo iberekenNdu arah lebengku. Ijenda aku, suruhlah aku.
- L Tuhan si masu-masu kalak si nggit ngelakoken perintahNa. Emaka mari sipuji IA arah ende-endenta :

KEE No. 54 : 1, 2, 3 “O, Tuhan Cikep Tanku”

1. O, Tuhan cikep tanku, Tegulah min.
Seh me gelap matangku, Terjaga kin.
La dorek me erdalín, Sisa kepe.
E maka Kam o, Tuhan, Min rembak pe.
2. Tendingku ikawali, Kam, Tuhan e.
Gegehi tep-tep kali, Ukurku pe.
Kupit-pit me matangku, Taruhkanlah.
'Di aku o, Tuhanku, La lit kesah.
3. O, Tuhan cikep tanku, Tegulah min,
Tande gelap matangku, Temani min.
Ku Surga me tingkahku, Bage ulin,
Kam Tuhan, Penatahku, La 'rkri-kerin.

11. Pertoton Tuhan

12. Pengutusan ras Pasu-pasu Dibata

L Kam idilo maba berita keselamatanen ku kerina bangsa manusia, jenari bahanlah ia jadi ajar-ajar Dibata, janah nggeluh ngikutken kerina si enggo ipedahken man bandu. Guna si e, alokenlah pasu-pasu idur Dibata nari :

“Ipasu-pasu janah ikawali Dibata kam, siang ayo Dibata ersinalsal i babondu, janah melias ateNa ngenehen kam. Itatap Dibata ku kam, janah malem atendu ibahanNa” Amin.

P Amin... Amin... Amin... (iendeken)

13. Kamis (14/05) Yesus Nangkih ku Surga

- Pengkhotbah : Pdt. Via D. Rosa br M
(Ketua Klasis PMD)
- Liturgis : Dk. Herry Sitepu
- Koordinator : Dk. Jaruddin Sinulingga
- Kata Pengalo2/Ermomo : Pt. Daniel P. Bangun, S. Sos, M. I. Kom
- Kata Penaruh : Dk. Roswitha Bukit, SE, Ak., M.Si, CA
- Erkira/Lonceng : Dk. Markopolo Karo-karo, SE
- Ngalo-ngalo Perpulungan : Dk. Efraim Tarigan &
Pt. Cornelia br Tarigan, SE, M
- Kolektan : Dk. Agustina Sinulingga, SE,
Pt. Raja Baginta Barus, SE, MM &
Pt. Fransiscus A. Sitepu, ST
- Pemandu Ende-enden : Nd. Kresna br Sinuhaji,
Nd. Carezza br Sitepu & Anisa br Tarigan
- Organist : Pingkan br Sitepu
- Koordinator Op.S. System : Pt. Handy Tarigan, S. Sos, M. I. Kom
- Operator Soundsystem : Andreas Hiskia Sinulingga
- Team Multimedia/TI
- 1) Koordinator : Pt. Empu Satrianta Sitepu. S. Sos
 - 2) Operator Live Streaming : Yohanes Shan Patu Susetya
 - 3) Operator Easy Worship : Anton R. J. Tarigan
 - 4) Operator Kamera : Hagai R. P. Pinem



Selamat Merayakan “Kenaikan Tuhan Yesus”

Tuhan Yesus Memberkati